



COMUNA DE ORTZAI

C.su V. Emanuele, 23 – 08020 ORTZAI (Nu) - tel. 0784-55001, 55246; fax 0784.55170
e-mail: comuneolzai@tiscali.it - web www.comune.olzai.nu.it

Ufitziu de su Sindigu

Prot. n. 3210 de su 3 de Santandria 2015

DECRETU SINDACALE N.4/2015

"NÒMINA RESPONSÀBILE SERVÌTZIU S.U.A.P. DE SA COMUNA DE ORTZAI

VISTU su D.P.R. De su 7 de Cabudanni de su 2010, n. 160 de su Regulamentu pro sa semplificatzione e su riòrdinu de sa disciplina subra s'Isportellu Ùnicu pro sas Atividades Produtivas.

PREMISSU chi:

- su "Regulamentu subra s'ordinamentu de sos Ufitzios e Servìtzios", cun sas normas pro s'intrada e allegada dotatzione orgànica, aprovalu cun delibera n.174 de su 03.10.2000, gasi comente modificadu e integradu cun deliberas e G.C. n. 205 de su 5.12.2000 e n.221 de su 29.12.2000;
- a sos senso de su cumbinadu de sos artìculos 4, c.4 e 17, c.1, de su Regulamentu subranadu, "sa responsabilidade de ogni settore cumpetet a unu funtzionàriu o istruttore direttivu...", "numenadu dae su Sindigu, cun provedimentu motivadu, segundu critèrios de professionalidade in relatzione a sos obietivos definidos dae sos programmas de s'Amministratzione..", in su rispetu de sos critèrios montovados in s'articulu 17, c.2 e sos chi s'ghint, de su matessi Regulamentu;
- comente istabilidu cun delibera de G.C. n. 83 de su 03.06.1997, s'organigrama de sa Comuna de Ortzai previdit s'articulatzione de su personale in tres àreas funtzionales: 1) Amministrativa e Servìtzios Sotziales 2) Tènicu-manutentiva 3) Econòmicu-finanziària.
- Sa responsabilidade de su Settore Amministrativu e de su Servìtziu S.U.A.P. fiat istada dada a s'ex Segretàriu Comunale, titolare de sa ex segreteria cunventzionada intre sas Comunas de Mamoiada, Ortzai; Onieri e Lodine.

CUNSIDERADU chi - a partire dae su 26 de Santugaine de su 2015 – sa Segreteria de sa Comuna de Ortzai risultat vacante, comente dae Decretu protocollu n. 68163 de su 23 Santugaine de su 2015, arrivadu a sa Comuna de Ortzai su 26.10.2015 e registradu in sa matessi die a su protocollu n. 3061, cun su cale sa Prefetura de Casteddu (Albu de sos segretàrios comunales e provintziales, Sezione

Sardigna) at leatu atu de su retzessu de sa Comuna de Ortzai a sa subbranumenada segreteria cunventzionada.

CUNSIDERADU chi sa pianta orgànica de sa Comuna de Ortzai non at a disponimentu unu vitze-segretàriu chi potat leare s'ingarrigu de regèntzia, ne de àteras figuras professionali idòneas a retzire s'ingarrigu de responsàbile de positzione organizativa.

VISTU s'art. 53, comma 23 de sa Lege n. 388/2000 e sas modificas de a pustis chi narat "sos Entes Locales cun unu populatzione cun prus pagu de chimbemìgia abitanter finas pro cuntènnere sas ispesas, podent impreare dispositziones regulamentares organizativas, si est netzessàriu finas in dèroga a cantu dispostu in s'art. 3, commas 2, 3 e 4 de su D. Lgs de su 3 de freàrgiu de su 1993, n. 29 e modificas de a pustis, e a s'art. 107 de su T.U de sas leges subra s'ordinamentu de sos Entes Locales, dende a sos cumponentes de s'òrganu esecutivu sa responsabilidade de sos ufitzios e servìtzios e su podere de adotare atos finas de natura gestionale."

RITÈNNIDU de protzedere cun s'atributzione de sa responsabilidade de su Servìtzium S.U.A.P. in capu a su Sindigu pro tèmpore, pro pòdere concruire adempimentos amministrativos chi non si podent diferire e non firmare s'atividade amministrativa de sa Comuna de Ortzai.

VISTU su T.U. De sas leges subra s'Ordinamentu de sos Entes Locales n. 267/2000

ISSETADU de si dèvere moere pro custa chistione, in sas moras de s'ativatzione de su servìtzium S.U.A.P. in forma pro mèdiu de s'Unione de sas Comunas Barbàgia, comente prevididu dae sa D.C. Comunale n. 18 de su 12 de Maju de su 2008,

DECRETAT

1. de **ATRIBUIRE**, cun decurrèntzia dae sa die de oe, **sa responsabilidade de su Servìtzium ISPORTELLU ÒNICU ATTIVIDADES PRODUTTIVAS (S.U.A.P.) de sa Comuna de Ortzai** "ad interim" a sa sutascrita Ester Satta, Sindigu pro-tempore de sa Comuna de ORTZAI.

2. de pretzisare chi custa atributzione de responsabilidade cumportat finas su podere dae parte de su responsàbile testé incarrigadu de impreare atos, finas de natura tècnica e gestionale, cun riferimentu particulare a cussos prevididos dae s'art. 107 – de su D.Lgs 267/2000, ma finas su dare provvedimenti ùnicos e de sos pàrreres pro chistiones econòmicas e produtivas de benes e servìtzios e de totus sos protzedimentos amministrativos chi pertochent s'esertitzium de atividades imprenditoriales o professionali, ma finas cussus chi faghent riferimentu a interventos ediltizios subra sos locales a issas destinados.

Còpia de custu decretu at a bènnere publicadu in s'Albu Pretòriu on line de sa Comuna de Ortzai e trasmitidu a sos Uffizios Comunales pro sos adempimentos de cumpetèntzia.